

حلقة ١١ / حل مشكلة النسوية / النسوية ٤ / ذكرى وعبرة ٥

#فاضل_سليمان

فاضل سليمان

السلام عليكم ورحمة الله وبركاته. في الحلقات الثلاثة اللي فاتوا انا عرضت مشكلة النسوية المتطرفة حاولنا نحلها مع بعض. لكن الحل من وجهة نظري في الكلمتين اللي جايبين دول ركزوا معايا - [00:00:00](#) سألتكم في الحلقة اللي فاتت هل النفس النسوي كان غير موجود تماما في مجتمع النبي عليه الصلاة والسلام والصحابة ولا لأ يعني كان في بعض الصحابييات او امهات المؤمنين عندهم نفس نسوي - [00:00:30](#) لو قلت لا اسف جدا كان موجود طبعا عندنا موقف اسماء بنت عميس رضي الله عنها. والسيدة ام سلمة ام المؤمنين رضي الله عنها يجب ان يدرس لبناتنا اول ما رجعت السيدة اسماء من هجرة الحبشة. كانت زوجة آآ جعفر الطيار. جعفر ابن ابي طالب. رجعت من الحبشة دوغري راحت لصديقتها. وحببتها الانتيم - [00:00:48](#) ام سلمة ام المؤمنين فهل نزل فينا شيء من القرآن لا لا راحوا للنبي عليه الصلاة والسلام وقالت له ايه يا رسول الله ان النساء لفي خيبة وخسار ستات حالتهن خيبة وخسرانين كده - [00:01:13](#) النبي عليه الصلاة والسلام انزعج قال ومما ذاك؟ ليه؟ ليه؟ يعني ليه بتقولوا كده؟ قالت لانهن لا يذكرن بخير كما يذكر الرجال فانزل الله فانزل الله تعالى سورة الاحزاب نزل فيها ان المسلمين والمسلمات والمؤمنين والمؤمنات والقانتين والقانتات - [00:01:36](#) والصادقين والصادقات والصابرين والصابرات والخاشعين والخاشعات والمتصدقين والمتصدقات. والصائم والصائمات والحافظين فروجهم والحافظات والذاكرين الله كثيرا والذاكرات. اعد الله لهم مغفرة واجرا عظيما يعني ما فيش مشكلة في هذا الامر - [00:01:57](#) القرآن لا يخاطب الرجال وحدهم اللغة العربية فيها جمع المذكر يشمل الجنسين واهو اية نزلت فيها النساء والرجال على طول لكن انتم عايزين القرآن كله يمشي كده لم يذكر الكافرين يقول الكافرين والكافرات - [00:02:23](#) المنافقين والمنافقات القرآن سيفقد صفة الايجاز وطالما ان اللغة تقبل عند الجمع انه يكون المعنى شامل الرجال والنساء فلا يوجد لزوم لهذا وكبروا مخكم بقى وطالما ان الاية انتهت بان الرجال والنساء لهم مغفرة واجرا عظيما خلاص - [00:02:40](#) لهم مغفرة زي بعض واجر عظيم زي بعض لكن طالما انتهت كده فتنزل الاية اللي بعدها توري ان المسؤولية ايضا واحدة على الاثنين اسمع الاية اللي بعدها وما كان لمؤمن ولا مؤمنة - [00:03:03](#) اذا قضى الله ورسوله امرا ان يكون لهم الخيرة من امرهم. ومن يعصي الله ورسوله فقد ضل ضالا بعيدا. آآ مبينا طيب ليه بقول انه هناك نفس عند الصحابييات وامهات المؤمنين - [00:03:19](#) ان موقف اسماء بنت عميس وام سلمة ده كان عبارة عن انزعاج من عدم مخاطبة القرآن للنساء لكن فرق التفكير عند صحابييات عند الصحابييات وامهات المؤمنين وبين تفكير النسويات الحاليات كبير - [00:03:35](#) فرق بين الثرى والثرى. ليه ركزوا معي بقى اوي كلمة اسماء بنت عميس ان النساء لفي خيبة وخسارة. دي كلمة تتوزن بالذهب معناها ايه احنا خايفين يكون ربنا غير راضي عننا - [00:03:53](#) لكن لو كان نسويات العصر ده هم وقت نزول القرآن والقرآن بيتكلم بجمع المذكر كانوا قالوا ايه احنا زعلانين من ربنا احنا غاضبين من

ربنا. ليه؟ مش بيكلنا مباشرة كما يكلم الرجال. هو ده الفرق - [00:04:10](#)

الفرق بين من تريد ارضاء الله وتخشى ان ان يكون الله غير راض عنها فتنافس الرجال في ارضاء الله. وبين من لا ترضى عن الله ولا وتنافس الرجل في الوصول للسلطة - [00:04:29](#)

الحكم والتحكم وليس في ارضاء الله النسوية الحالية الراديكالي في جعلت المرأة اراجوز وهي بتحاول تقلد الرجل لذلك لما يكون مختطف عقول ملايين من بناتنا الافضل ان احنا ما نهاجمش - [00:04:47](#)

آآ ككل على بعضه. ركزوا معي بقى لما يكون متاخذ منك رهائن في مبنى بتروح تفجر المبنى باللي فيه لا انت بتدخل فدائيين يدخلوا يحرروا الرهائن ويخرجوا بهم من المبنى - [00:05:10](#)

صح صح لما مختطف عقول كثيرات من بناتنا انا عن نفسي اري اني ابين لهم انواع نوع متطرف هدام غير مقبول سبب انهيار الاسر والمجتمعات في الغرب ونوع اخر مقبول زي الروح اللي كانت عند بعض الصحابيات وامهات المؤمنين. هتقول لي ما ما تسميهوش في هقول لك لا بالعكس اخرج من الفقاعة اللي انت عايش فيها. كلمة - [00:05:29](#)

مش وصف سلبي عند معزم الناس زي ما انت متخيل الوقت اللي هتضيعه والمجهود اللي هتبذله عشان تنفر البنت من كلمة فمينيزم انت محتاجه في ما هو اهم. ده غير ان انت مش هتقدر - [00:05:58](#)

تقنع كل البنات ولا حتى نصهم فاللي انت مش هتقنعهم انت خسرتهم اللي انا بقترحه ان احنا نبدا مع البنات من بعد مش من قبله نربيهم على الثقة في النفس - [00:06:13](#)

وتكون نابعة من الاسلام. نظهر لهم جدا قدوات من النساء المسلمات اللي كان عندهم قدرات زي الرجال. السيدة صفية بنت عبدالمطلب قاتلت بتوع بني قريظة في غزوة الاحزاب. ولما احد اليهود آآ قفز هي قتلتها دفاعا عن النساء ورمت لهم راسه. ام عمارة - [00:06:28](#)

نسبية بنت كعب احدي الفدائيين الاربعتناشر اللي حموا النبي عليه الصلاة والسلام في احد. حتى لا يقتل وقال عنها ما نظرت عن يميني ولا شمالي الا ورأيتها تقاتل بسيفها دفاعا عني - [00:06:51](#)

او كما قال وده مش بس في احد على فكرة. لا دي شاركت في القتال في حديقة الموت. اعنف معركة من معارك حروب الردة. خرجت بسيفها ونادت على مسيلمة الكذاب عشان يطلع وتبارزه عشان تقتله. لكن قطعت يدها في المعركة. وبعد كده وحشية هو اللي قتله - [00:07:06](#)

في معركة اليرموك اللي انتصر فيها المسلمين على الروم خولة بنت الازور مش بس قاتلت لأ دي كانت قائدة النساء المقدسة كان في زي كتيبة كده من النساء بيقاتلوا كان في منهم ام حكيم بنت الحرث - [00:07:26](#)

اه سلمى بنت لؤي. اسماء بنت ابي بكر زوجة الزبير المعوام بنات لازم يفهموا انهم مش محتاجين ينتموا لحركة مشبوهة غريبة عشان يمارسوا بعض ما يمارسه الرجال كالقتال كمان نفسه - [00:07:43](#)

لكن الاسلام يسمح بهذا لكن مش بيقول لهم انك لو عملتي كده تبقي ناجحة. لأ مش لازمة نجاحك في علاقتك بالله. فالاسلام لا يمانع طالما في حاجة لذلك. المهم هو النية - [00:08:00](#)

يعني ايه؟ نيتك ايه في انك تعملي زي الراجل خدمة دينك زي الصحابيات ولا نزاع على القوة زي المنحرفات. اللي خربوا مجتمعهم وخربوا بيوتهم لو ستنافسي الرجل نيتك ايه؟ ستنافسيه في ارضاء الله يبقى اهلا وسهلا - [00:08:12](#)

وفي ذلك فليتنافس المتنافسون كلهم ام ستنافسيه في انتزاع السلطة منه والقوامة والكلام ده. ثم انا بقى اري برضو يعني اهم اداة هي تربية الجنسين على احترام بعض وعلى التكامل مش التنافس. تربى الذكور ما يبقوش مستفزين. وتربي النساء نفس الكلام. فين بقى كان ده؟ في المحاضن التربوية. في المخيمات - [00:08:34](#)

تربوية في رأيي المخيمات لازم تبقى فيها اولاد وبنات عشان يتعودوا على اداب التعامل بين الجنسين تحت اشراف تربويين وعلماء. كل جنس له انشطته وفي بعض الانشطة المشتركة تحت اشراف - [00:09:01](#)

يتعودوا على اداب التعامل بين الاولاد والبنات. وقت النوم في مخيم للولاد ومخيم للبنات. حلو. عاوزين نعلم الولاد الخشونة التربية العسكرية لو فقرة النوم في المخيم من عشرة مساء للساعة اتنين صباحا او ثلاثة صباحا عشان نصلي الفجر. او عشان نعمل قيام ليل وبعد كده صلاة فجر - [00:09:18](#)

بالنسبة للولاد الذكور فيه نوبات حراسة على مخيم البنات يعني ايه ؟ بيتتم الاتفاق مع مجموعات الحراسة في شكل روتة ركز معي. مجموعة هتاخذ نوبة الحراسة من عشرة لحداشر. وترجع عشان تنام تصحي المجموعة بتاعة من حداشر لاتناشر. وترجع عشان تنام تصحي المجموعة - [00:09:41](#)

اللي هيحرسه من اتناشر لواحدة. وهترجع عشان تنام تصحي المجموعة لو تحرس من واحدة لاتنين. وترجع عشان تنام تصحي المجموعة اللي هتتحرس من اتنين لثلاثة وبعد كده المخيم كله بيصحى عشان - [00:10:01](#)

قيام الليل طيب المجموعات اللي اتزلمت هي اللي قامت في فقرة النوم في وسط الفقرة لان لا لحق ينام قبلها كفاية ولا لحق ينام بعدها كفاية بس الليلة اللي بعدها - [00:10:11](#)

المجموعات اللي كانت في الوسط اللي اتزلمت دي بتبقى هي في اول المدة عشان تلحق بعد كده تنام او في اخر ماتش تلحق تنام آآ وقت على بعضه خلاص طيب - [00:10:26](#)

المشرفات بتتوع البنات يدخلوا يصحوهم ويسألوهم ايه الاخبار يا بنات؟ نمتم كويس اه يا ابلة طب يلا نصحى عشان قيام الليل وبعد كده الفجر وبعد كده نعمل الفطار بس خلوا بالكم - [00:10:38](#)

الاولاد ما عرفوش يناموا زيكم وفيهم ولاد الحقيقة يعني اتزلموا لانهم كانوا النوبة بتاعتهم في نص الوقت يعني انهم كانوا بيحرسوكم وانتم نايمين الطريقة الفلانية فمنهم اللي ما عرفوش يناموا خالص - [00:10:54](#)

فاحنا هنعمل لهم الفطار عشان نديهم فرصة يريحوا ساعة كده بعد صلاة الفجر كده احنا عملنا ايه بطريقة تربوية عملية بدون محاضرات وكلام نزري كده احنا فهمنا الاولاد الذكور معنى القوامة - [00:11:10](#)

الرجال قوامون على النساء بما فضل الله بعضهم على بعض وبما انفقوا من اموالهم. يعني ايه؟ يعني مش عملية مريسة. القوامة انك تبقى البودي جارد بتاع المرأة اللي بيحميها الرجال قوامون على النساء مش الازواج على الزوجات لأ كل رجال المجتمع شغلتهم انهم يحموا كل نساء المجتمع - [00:11:26](#)

امانة في رقبتهم. ربنا حطهم امانة في رقبتهم. الاولاد اولاد الحطة يتفقوا ان ما فيش بنت تتعكس في حنتهم ترجع روح الفتو عند اولادنا والرجولة بالنسبة للبنات عودناهم انهم يشعروا بالعرفان نحو الذكور يحاولوا يقدموا لهم حاجة نزيير خدمة القوامة دي اللي قاموا بها وهي الحراسة - [00:11:46](#)

الاولاد والبنات هنا يدركوا ان العلاقة بين الرجل والمرأة علاقة تكامل مش تنافس. ويطلعوا بيحبوا بعض ومنتظرين لما يكبروا عشان يتجوزوا بعض وينشئوا اسر مش كل جنس طالع بيكره الجنس الاخر - [00:12:08](#)

وحاسس ان في منافسة اذا حل مشكلة النسوية يتلخص في تربية الجنسين وليس البنات بس خلاص؟ التربية هي المفتاح. قولي قولي هذا واستغفر الله لي ولكم. والسلام عليكم. ما تنسوش تشتركوا في القناة وتعملوا شير للفيديو - [00:12:21](#)

او لو ما عجبكوش لان ده بينشر المقاطع بتاعتنا. والسلام عليكم ورحمة الله - [00:12:43](#)